




1006



張右史文集

八




Centimetres

**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color Black



藏石父文集卷第二十八

河文唱和

初八日

東門觀馬

雲天北極

與地遠道

應有桂枝

十載江湖萬里行  
滿床西館月  
素英雲龍九



花沖天

勤志法

校英三系稿

湖柳低詩寄

長園風月中



張右史文集卷第三十八

同文唱和

初八試院

鄧忠臣

東門驄馬立行，被詔秋闈闈後英。三島隔  
雲天，北極萬燈明路國。西城人閒聊假詩書  
樂地遠，還聞市井聲。一夜涼風起，闈闈月中  
應有桂枝生。

孔仲武

十載江湖萬里行，偶來西館闈豪英。雲龍九

關晨書詔燈火千門夜出城  
灑庭除當月色稠重幕帶  
斷人殺年家兄弟今同舍  
曾見河南起賈生

晁補之

官局悠悠共此行  
來時庭菊未含英  
五更脫葉驚書几  
一夜寒砧滿禁城  
詩似涼風淒有興  
酒如清露浥無殺  
何時驄馬催歸去  
更看林端魄一生

莫嘆忽々襟被行  
賴逢教子美如英  
已看明月同為客  
應犯初寒復入城  
白日有書追睡思  
青燈無夢聽秋殺  
直無剗甲逍遙地  
幾日疑公太瘦生

子文

楚然誰復喜斯行  
開豁拘懷賴俊英  
上國擢材初改轍  
衆心督戰亦乘城  
何時奏籍瞻霜簡  
且復安眠聽雨聲  
異日倘容休沐會  
未慙相約太癯生

公麟

勅使書囊間隊行聚星深館架諸英雲隨襟  
袖來蓬島香散房櫳荷化城振鷺充庭天有  
幕珊瑚入網海無殺範模一世尊先覺况此  
提平慰後生

倚

承詔掄材敵倦行廣庭深鎖待群英分場自  
敵三千客決勝誰降七十城夜案尚闌塗卷  
筆曉星方聽讀書報每早嘗聞元歸時還有

黃花否已覺秋風滿袖生

幹

江南嘗應檄書行多向西風拂露英薄暮解

裝融祖寺

去年八月檢涼齋宿牛頭山侵晨

揮策楚王城

在宣州東光前年

明蟾又見中

秋色哀雁仍聞半夜聲懷舊感新搔短髮歸  
時應有二毛生

南仲

昭回雲漢九天橫冠帶祁、盡俊英梁國有

珠光照乘趙人懷璧價連城道山邃處分群  
彥文律持來考正毅秋晚定知誰入毅叔通  
還進魯諸生

肇

千門鑰入斷人行禁漏稀微出通英齋拜初  
書期老伏並驅駟御出西城誼譚燈火看如  
夢闌鎖官庸祇寄報聊付能詩破羈旅詩成  
丹、又還生

試院即事呈諸公

幹

去家策馬上長河逆旅光陰忽：過疎迹不  
堪追放浪新才仍復委搜羅雅談幸有青雲  
士佳句寧無白雪歌此興泚憑吟笑遣未應  
能奈客愁何

武仲

衡門咫尺限關河北地平時足馬過欲把塵  
埃補山岳寧辭羽翮寄置羅華堂翠帟供閨  
燕明月清風伴軟歌擬寫秋容須筆力新詩  
句、似陰何

補之

天街初月映天河  
拜勅東華走馬過  
解榻暫如龜  
遇木闌簾還似雉  
嬰羅倦依書冊工  
催睡悶倚詩篇足  
當歌可待紛  
猷朱墨畫閣  
唯有飲無何

未

天街落日走鳴珂  
咫尺衡門不許過  
催去據鞍猶鶴望  
爭觀夾道已雲羅  
奏篇定有凌雲賦  
招隱今無扣角歌  
最苦清秋辜美睡  
通宵

三問夜如何

子文

高談初喜聽懸河  
未厭鄰房日夕過  
蝴蝶乍迴塵外夢  
蜘蛛看結雨中羅  
銀袍較藝親勅敵  
玉帳收功聽凱歌  
共是當年廷試客  
鎖闈今日合如何

公麟

盍簪聞善若江河  
簾幕踈閑笑語過  
月照飛棧穿戶綺  
風生揮塵動衣羅  
已張英毅收三

後更賦離騷續九歌涼夜沉沉清不寐空庭  
無奈柔教何

忠臣

後遊常恨邈山河邂逅文闈喜屢過朱簿分  
明供鼎立墨圖評位者星羅人間戶牖還相  
近朝得英材信可歆獲鑰重闈非不密只應  
無奈夢魂何

南仲

重門鍵鑰阻山河願有良朋不厭過唾落如

珠傾巨斛袂揮成幕散輕羅慙分處士吹竿  
俸謾學東人掩鼻歌笑語哄堂俄又夜客愁  
還奈我曹何

倚

風生簾幙撼層波况值清秋一半過堂上簪  
裾方鷺集棠間國史已星羅東籬採菊朝嘗  
酒北里吹竿夜聽歌早晚奏名聞黼坐望中  
無奈白雲何

再呈慎思諸公兼以言懷

倚

南窓寂若隱山河時在金門步見過談笑且  
看揮麈玉篇章寧惜洒殘羅已羞軒冕嬰身  
住更問功名撫劍歌賒得涼秋好風月不成  
吟醉奈愁何

忠臣

秋闈深鎖覺愁多賴有英遊玉趾過日望高  
樓吟楚月夢隨明月到湘羅湘羅子  
家所在南宮曾  
看揮華藻西館還來共笑歌六檢飛花如過

隙人生誰奈老催何

君平宣義登  
科六年矣

試場未動文書靜官舍相聯步履過千丈蒼  
波爭倚薄十圍便腹有森羅登臨已結騷人  
恨填委終翻芳者歌後夜中庭佳月色惟予  
不飲奈明何

重九考罷試卷書呈同院諸公

忠臣

題遍朱籤棟宇充燈寔長聽景陽鐘昏眊直  
要金篦刮黎瘦都如飯顆道文律自隨星斗

變月評應合士人從了無一事猶深鎖辜負  
東籬菊品濃

補之

周行榔比未應充薦廟方求古鼎鐘經眼乍  
愁千紙積解願聊喜一言道黃花庭檻時雖  
過白酒鄰槽頭可從更促寄衣真似旅曉堂  
初怯露寒濃

南仲

貢珍已選茂良充猶被拘縻類縛鍾綠酒強

陪高館飲黃花不似故園蓮棋枰苦戰挑燈  
坐蘚壁閒題捧硯從風葉滿庭秋索寞更籌  
向盡睡方濃

幹

庭實方期國士充知音須辨鐸符鍾孔融愛  
客尊常滿摩詰思親節又逢烏養任真終自  
遠羸謀傷性竟誰從開門預計無多日猶起  
清愁暮靄濃

忠臣

屢見高文試澤宮長年叅校愧龍鍾懸瓌待  
價由來久綠綺知音不易逢吉語乍聞隨鵲  
喜歸期專欲問龜從到家莫負如泥約光祿  
供醪味正濃

肇

清秋官舍酒瓶空瑞袖黃花情所鍾忽聽數  
篇吟可老絕知開口笑難逢浮舟有底不歸  
去戲馬猶能限莫從江上鱸魚三尺許西風  
歌枕夢魂濃

未

回首登高行復冬後時只合歎龍鍾愁須白  
酒來酣戰詩為黃花事不逢十日飛騰過眼  
疾萬籤甲乙定誰從共應靜掃罷能榻深炷

爐香午睡濃

時去開院十日

子文

侵尋節物過秋風何處釣天燕鼓鐘九日菊  
花聊一醉五湖佳士偶相逢挑燈款語時供  
笑借紙聯詩且漫從待得出闌應放意百杯

追逐興方濃

慎思有如  
沈之約

公麟

顛俊天畿合辟雍愧將尾釜綴黃鐘聽窮一  
一竿無濫撥通磻玉似逢龜列春庭先壞  
真龍飛天路得雲從吾曹莫念拘索久求稱  
公朝慶賞濃

執掌棲遲一畝宮慣聽更柝及晨鐘黃華慰  
眼祇甬許綠醴于人亦漫逢幾日囊篇廢不  
速一時庭步笑相從近來尋却家山夢投枕

和衣睡更濃

夜聽无咎文潛對榻誦詩響應達旦

欽服雄俊輒用九日詩韻奉貽

忠臣

連牀交語響春容激楚評騷徹曉鐘繞宅金  
絲神共聽滿潭雷雨劍初逢信知自有江山  
助便欲長搵几杖從俱是年家情不淺依蘭  
應許馬香濃

依韻奉酬慎思兄夜聽誦詩見詠之

作

未

昔遇晁公淮水東士衡已聽語如鐘五車講  
學知無敵十載論文喜再逢匣古劍光疑鬼  
泣夜天虎嘯有風從許侯破的由來事三句皆屬  
鬼杜老裁詩曉墨濃

與文潛誦詩達旦慎思有作次韻呈

二公

補之

神交千古聖賢中尚想銅山應洛鐘頌蓋十  
年唯子舊知音一世更誰逢天如蟻磨駸

已談似繹車奩從鄰榻鄧俱那不共擁衾  
百首興方濃

次韻重九之作

倚

英豪獻策廣庭中問辨紛似叩鐘名奏九  
重書案上士欣千載運親逢鶯鳴定獲喬林  
樂鳳舉應容眾羽從盛世文章由此變坐看  
風俗反醇濃

昔年此日故園東爛醉牛山到暮鐘牛山在萬州城

東二十餘里已往光陰那再得如今霸旅又重逢

淵明把菊情雖厚子美登臺願莫從

杜甫九日詩云

北病起登江上臺

且看群書歌枕卧病多仍負酒林

濃

次韻慎思貽二公誦詩

肇

卧聽高齋落葉風清詩交詠想晨鐘故人厚  
意論千載正始遺音僅一逢膠漆初期在  
頃雲龍莫恨不相從芸房深鎖秋香冷鬱  
忽佳氣濃

未

西城永夜靈鼙鼓北寺五更青石鐘九牧何  
時官事了三英聊喜故人逢甲庫定處君無  
讓蹀躞歸時我請從故却睡魔通夕語明窓  
茗粥不辭濃

八弟預薦慎思兄以詩為復次韻并

寄八弟

補之

吾弟平生辛苦同區雜志舉百鈞鐘自慚搯  
瑟向不斥勸使力田終有送青眼故人欣捷  
報白頭老母喜占從書林倘預西城集醜子

酬：杏正濃

九日考試罷聞元啓天啟二弟荐名  
因用前韻以紓同慶之懷

朱墨沉迷萬卷中，斗筭那得變千鍾。  
風流不似臺南戲，牢落政如江上蓬。  
閣筆文書聊撥棄，到家車馬數過從。  
阿連已與甘泉奏，歸拜萱堂喜更濃。

慎思兄別墅在長沙白鶴山晉陶談

舊居事見本傳，今其居有大杉可十  
數圍，蕃茂特異。世傳談藏丹其中，用

前韻謹賦

未

千年騎鶴老仙翁，固是山川秀氣鍾。  
桃洞自宜無客到，吳門應合有人逢。  
岩前舊隱孤杉老，壺裏真游白鹿從。  
近有蓬萊讀書客，卜居還占翠嵐濃。

家弟別試預荐，特蒙慎思學士贈詩，  
致慶感荷不已。次韻酬謝。

我家書冊代耕農尚祝甌姜取一鍾再築金  
臺端不味高懸水鏡亦難造親闈動喜欣  
色士論推公趨從好在黃花薦歸壽秋堂  
惟笑變春濃

同舍問及故山景物用鍾字韻賦詩

以荅

忠臣

吾廬高對玉池岫日聽諸天奏鼓鐘海外鶴  
歸青嶂覺洞中花落碧溪遙翻經夜對高彈

講採藥晨邀光圃從說與群仙如画出紛然  
歸思亂雲濃

肇

白鹿真人歛御風青杉手種大如鐘還丹未  
化神應護道骨相期子合造萬里且看騰踏  
去一尊聊喜笑言從橫岫列壑休南望曉榻  
秋陰分外濃

補之

玉泉飛落白霞岫散入山田畝十鍾鄧子結

廬真世外陶公脫屣更誰遙  
鶯啼春竹風烟近  
龍起秋堂雨電從  
誰使山人空蕙帳  
蓬萊金殿興方濃

輔

洞庭湖外白雲峰  
醉卧虛堂聽曉鐘  
澗卓岩花無日歇  
仙人玉女有時逢  
脂車石路君能去  
蠟屐秋風我願從  
故藉神方變華髮  
黃菁苗盛菊香濃

幹

烟霞曾是踏諸峰  
翻作清歌笑玉鐘  
幾代孫經桃塢隔  
千年壇憶華山道  
美才方赴鳴騶召  
逸興何由稅駕從  
我亦江鄉成阻澗  
西風歸意浩然濃

倚

先生家住翠微峰  
萬卷詩書酒一鍾  
壁挂葛巾無客到  
雲藏古洞有仙逢  
溪邊晚釣呼鷗伴  
花底春吟引鶴從  
只恐舊山歸未得  
帝息朝夕露濃

南仲

草廬高卧對千峰白眼誰能顧萬鍾反席不  
因天子詔藏詩未許世人逢他年社稷勲如  
立歸老煙霞志會從五柳一松應好在月明  
空自結陰濃

感興復用鐘字韻呈同舍

忠臣

五年湘水聽霜風長樂初聞此夜鐘遠鶴亦  
知華表在仙基猶許爛柯逢山道藏聊為  
戲石室真游久欲從便擬作歌招隱去人間  
得意不須濃

慎思屢以佳篇見貽且俾屬和而衰

老困于強敵輒為詩以謝之兼簡无

咎文潛天啟

輔

鄧侯清骨如水瘦少日文章苦用心賦罷吹  
噓日狗監詩成傳誦到鷄林陽春白雪無凡  
曲流水高山有至音更唱自存三益友老來  
衰病廢長吟

漫興成章屢蒙子方寵和更辱贈句

忠臣

殺名詞濫競駁，不負平生許與心。  
鳴鳳自須諧玉磬，野麋祇合戀雲林。  
清新每喜年何和，冥默初聞雅頌音。  
不是南冠獸拘繫，楚人元愛楚風吟。

肇

曹公長劍一杯酒，鄧子孤雲萬里心。  
神駿莫辭觀馬廐，深沉久合寄書林。  
禮闈聯事幾三

月詞客悲秋共一音，獨有何郎詩思苦空增。  
點滴伴清吟。

奉報子方佳句

補之

曹子金門等陸沉，壯年裘馬四方心。  
檄傳白羽從沙井，詩寫紅巾遍武林。  
兵甲冑中無敵國，絲桐世外有知音。  
相遊不飲何為者，祇作寒廳擁鼻吟。

張右史文集卷第三十八

張右史文集卷第三十九

同文唱和

寄次張弟

忠臣

猶頭竹葉細檀欒新筍如椽日滿盤寄語兒  
童莫多取來春從上萬餘竿

肇

南山千畝龍蛇窟半夜春雷起屈盤欲釣六  
鰲滄海去為留春筍作長竿

朔无咎夜起明燈聽慎思誦詩

未

翠屏香暖秋眠穩  
霜冷寶奩金錯刀  
誰信苦吟無睡客  
挑燈起聽楚人騷

和文潛朝元夜起明燈聽予誦詩

忠臣

參橫月轉與天高  
歸士飛心憶大刀  
故作楚吟排滯思  
吟成風葉更蕭騷

輔

秋風落盡千林葉  
恰似并州快剪刀  
香冷洞

房歸未得一窻明月讀離騷

奉答文潛戲贈

補之

倦游年少憶安巢  
歸夢常慚斷織刀  
老去周顛雖有婦  
黃經對几夜騷

肇

鄧子詞鋒魯孟勞  
荆鍾刺玉盡鉛刀  
風流陶謝枝梧困  
擊鄰期君僕命騷

忠臣

操老工詩恨不高  
苦心錯玉與礮刀  
正如天

石塘書卷九  
三  
祿秋風夜別盡寒燈著廣騷

再謝周顥之句

未

烟飛小玉吳王國柳暗朱樓鐵甕城見說周  
顥經案外亦聞荀粲并林毅

忠臣

眼看秋雁歎汾水心到陽關唱渭城却被維  
摩居士笑海潮音作斷腸聲

補之

秋日照歌淮上舫春花引醉福昌城何如闔

闔門西北卧聽秋風枕畔聲

小詩戲无咎

肇

吳山楚水未忘懷暮雨朝雲恨已乖縱免摩  
伽能毀戒未妨澤室會于齋

忠臣

文書盈几法筵埋香火秋來願稍乖得似鹿  
門携手去定隨繡佛鎮長齋

己未春與伯時較試南宮同年被命  
者六人今茲西館唯同伯時一人而

乙因書奉呈

忠臣

十載京師五校文並游多已據通津再來更  
鎖城西館點檢同年只一人

公麟

憶鎖南宮會友文天梯相躡看雲津白頭笑  
我成今日青眼進君尚昔人

中秋月

忠臣

寂寥無殺月停午蟾蜍通津隨清露明星爛  
爛今何稀美人笑，隔烟霧

補之

秋風吹空雁旁午長天無雲月呈露為須清  
曉照清尊莫遣中宵生薄霧

輔

空谷秋寒同子午白月紛，洗清露遙想燈  
花結夜愁鬱金斗帳香如霧

與文潛无咎對榻夜話達旦

忠臣

書窓燈火夜深明窗外蕭，雨葉散對榻不

眠談往事渾如五鼓過嚴城

未

燈花昨夜已分明更聽朝簷喜鵲報明日朱  
門閉空館秋風駿馬大梁城


補之

踈林小雨月籠明高頌琅  
夜半報鄧子弓  
強殊未發欲馳桑本犯堅城

肇

窮秋天氣少晴明雨葉風窻夜  
報應為幽

人聽未足不教驄馬出重城



張右史文集卷第三十九

右史文集卷第三十九

五

張右史文集卷第四十

同文唱和

初伏大雨戲呈元谷

未

初伏炎氣坐湯釜長安行人汗沾土誰傾江  
海作清涼玄雲駕風橫白雨昏陀真人甘露  
手能使渴之獸膏乳且欲當風展尊眠敢辭  
避漏移牀苦清貧學士卧陶齋壁工墨君淡  
無語翰林但解嘲首着彭宣不得窺歌舞聯  
詩得句笑出看策馬涉泥歸閉戶牀頭金榼

定何嫌意外石榴堪薦俎

補之

蓬山西鄰九軌路三月街晴葉吹土直廬鑿  
牖面宮垣青壁嶄看垂兩殿角風斜碧瓦  
寒翅濕蒼鷲不能乳却思窮巷亦可憐一掃  
蚊蚋通昔苦鬱蒸書課未須怕午漏客休聽  
天語平生豪氣對尊酒山難見鏡猶能舞城  
南寺近曉堪行笙歌涼月聞千戶但憂伏日  
細君須割肉無緣俟歸俎

曹輔

火焚真金融作暑南風無殺蒸厚土省門下  
馬不讀書急掃藤牀卧聽雨朝涼已覺飯有  
味紫盃新茶如潑乳天工未費一杯水已變  
炎涼異甘苦晁侯笑頰北窓竹知君吟詩得  
佳語忽驚秋近梧桐落未獸野潤商羊舞快  
洗晚空作晴碧三更月華清萬戶不怕泥深  
滑馬蹄更自無金謀燕俎

忠臣

大明放朝官避暑長廊脩絕塵土漢家宮  
殿敞千門紫閣拖雲洒甘雨雷忻電笑洗蒸  
鬱蕩青天滑流乳憶昨三年田舍中六月  
正服農家苦豈望生還直舊廬得見張晁說  
新語初聽鈞天驟竊忤正似散聞躩起舞喜  
乘初涼與晤歌不要庭涼墊垣戶徑携斗酒  
相就醉更置雙鯉克君組

汗流龜趺如吹釜蜂游飛空蟻運土眼看織  
雲上太清曾不崇朝八荒雨金柔火老旱太  
甚咀嚼冰雪如錫乳豐隆列缺及時來蒼生  
解除焦焚苦張侯不辭茅屋漏倚柱長吟可  
人語愛君豪猛為君和初撫劍歌終起舞城  
南酒壚醅新潑不獨黃公當門戶滿酌鴟夷  
極歡酌袖摘園蔬供鼎俎

突冷塵魚坐甌釜十年都城因風土不辭揮  
汗過三伏敗屣怯聽滂沱兩張侯作詩召清  
風渴讀如飲雪山乳笑我形容太瘦生我亦  
悔前用心苦晁子迭唱亦起予兩人終日同

石史卷四十一  
三  
堂語奈何拘學技藝窮波鼈欲趁驩舞魁  
然園腹貯文史朝來氣爽酒戶為君急置  
槎頭鱖縷翠霖江落雕俎

神龜不識烹魚釜生潛深淵長黃土誰令誤  
落魚網中白晝冥冥作雷雨嗟予幡然別舊  
隱空岩無人滴鍾乳松菊滿山胡不歸頽同  
妻子忍攻苦長歌漫漫何時旦起坐終夜私  
自語茅茨十九編如澠誰知華堂醉歌舞山  
中吾廬歸去來峰插翠玉朝高戶注目搽刀  
必割時尸祝何煩越尊俎

肇

城中鼎食排翠釜羊胛馳峰賤如土青衫學  
士家故貧斗米束薪炊濕雨縱橫圖史照屋  
壁咕囁詩駭從稚乳省中無事騎馬歸雨散  
一洗茅簷苦急呼南卷用舍郎聽我臨風有  
清語且貪青簡事文章未有黃金買歌舞往  
來詩卷牛腰許太羹玄酒並在戶吾詩老澁  
邀使前政坐可口收艱俎

張侯胸中已覆釜百里奔流無寸土玄蛟白  
鼉有時作一洗乾坤三日雨詩雄變怪有如  
此震動猶能止啼乳已傾太白酒船空更壑  
少陵飯山若昨朝東門同拜勅玉齒猶殘道  
中語閉門十日無七事坐對空庭秋葉舞何  
時御史出霜臺便假前驕辭棘戶城南邀我  
倒餘尊紫栗黃橙已登俎

答天啟

未

黃鐘無聲登瓦釜蔡子青衫在塵土逼人爽  
氣百步寒知子胸中有風雨三年河東走胡  
馬絕口魚蝦便酪乳歸來萬卷付一讀不覺  
見曹用心若周瑜陸遜久寂寞千年北客嘲  
吳語莫徒彩筆雲錦張要是寶劍蛟龍舞天  
兵百萬老西北快馬如飛不出戶看公大纛  
出麒麟走取單于置刀俎

和天啟贈文潛

補之

蔡侯飽學困千釜濯足清江起南土放談頗

似燕客雄快奪范雎如墜雨東城擒羽未足  
論栢直何為口方乳蔣侯山中伴香火三年  
不厭長齋苦平生豪偉有誰同要得張侯三  
日語畫閣那自運甓忙時清不用閭雞舞栢  
榮懽喜見車馬書冊年勲立門戶要當食肉  
似班超猛虎何嘗窺案組

再答

肇

羌兵昔出蘭皋路欲鑿新城無聚土烟岬照  
夜氣如霞鐵馬連群鼓成雨東西兩關同日  
破股掌嬰兒絕哺乳鼓鼗十日拔帳歸至今  
猶說防城苦當時諸將無奇功不敢弯弓向  
胡語橐駝而來金帛去孽狐小鼠猶跳舞王  
師八月盡防秋喘軍興恐編戶腐儒不用  
輒憂邊廟堂有人制尊俎

呈鄧張晁蔡

輔

都城薄祿才三釜白髮朱衫污黃土九人同  
日鎖重關一夜清鼓卷秋雨投身雖喜豪俊  
窟刺手如道虎方乳鄧侯相道十載後清骨

嶢岩詩思若張晁自是天下才黃卷那同聖  
賢語蔡子彎弓欲射胡拔劍酒酣時起舞何  
當連袂上霄垠速致時康門外戶病夫行矣  
老江湖尸枕安能越虎俎

幹

可畏日輪如赤奎賴有群仙司下土稍從寥  
廓踊濃雲旋向塵埃洒甘雨松蘿既女更施  
澤山木欲童俄得乳馬牛暫息要途勞魚鼈  
楨舒炎海若野鶴那虛屋上鳴穴狸不繆山

中語清風豈假白羽搖輕汗寧沾翠綃舞已  
憐爽氣滿襟袖更喜余霞照庭戶後朝便是  
閱英才為指幘幪設千俎

次韻呈文潛學士同年

柳子文

才堪斗量君獨釜并少登瀛脫塵土重闌幾  
日鎖清秋酬唱新篇亂如雨讀書相送十載  
前君家酥酪和腐乳

苦晚將衰頰奉英游漫記雪窻邀

夜語平生意氣杯酒間我醉狂歌君起舞即  
令頭白老青衫但期教子應門戶燕領從來  
骨相殊者君鼎食羅五組

用組字韻呈樗年

肇

墮竈一言能破釜魔界掃空成佛土鍾山道  
場天所開萬壑千岩沒華雨白衣居士演真  
諦江海流法乳自從玉鬢飛上天妙緣  
誰救諸有苦我若南行入定林水鳥松風能  
妙語六時天樂綵雲飛百丈寒江翠綉舞此  
地知君能着力雷作彈指開蟄戶空山蕙帳  
盍思歸秋末晚菘行可組

次韻天啟戲為禪句之作

幹

一片木柴投向釜不是知音色如土道途謾  
用運三車根性終然資一兩相造倘獲個中  
人涓滴何辭此驢乳善才童子天質奇拋官  
遠遁修行苦果向北山曾遇人便解捐書尋  
一語而今脫却七斤衫相見山一惟作舞秋

闡何宰相握手未厭夜深來叩戶莫愁客至  
將何待卧有眠昧飢有俎

上呈子方鄉丈

天啟

西方殘虜魚游釜往歲天兵收境土軍行旱  
海口生烟沙井無泉天不雨將軍意氣吞八  
荒欲入涼州傾馬乳堅城不下河未冰幕中  
稍覺從軍苦曹侯獻計取東園帳下選鋒同  
此語歸來寒色侵鬢毛聯翩始閱交衢舞不  
學行間安校尉盡斬孫歆封萬戶人生富貴

有老機昆肩不願加雕俎

次韻答天啟

子方

天兵連營十萬釜烈威毅震西土崑崙月  
窟掃欲空豈止斯民被時雨賀蘭狡兔遁三  
穴黃口嬌雛未離乳臨機一失挫銘鋒誰願  
忠言如藥苦吾鄉蔡子喜談兵早歲曾過阿  
戎語逸才自擅鸚鵡賦高韻仍為鸚鵡舞方  
略應須敵萬夫徒擊韓嫣笑富戶政宜弱冠  
請長纓係取單于置高俎


曹子方用奎祖字韻賦詩見遺予洎  
張文潛晁无咎蔡天啟因以奉酬并

示四友

忠臣

長愛陳思詠箕釜幾年不見祖南土竭耒相  
逢翰墨場夜寤共聽空塔雨躍馬蔡卿能齧  
肥好書張侯期飲乳晁令知從博士遷智囊  
不歇傳經若于茲邂逅如風英矜我劬勞懃  
晤語詩成乍愛龍虎文筆落更驚鸞鳳舞我  
將隱遁山林姿公等整頓乾坤戶分同尺鷃

搶榆枋難伸犧牛登鼎俎



張右史文集卷第四十

張右史文集卷第四十一

同文唱和

欲知歸期近呈天啟

未

欲知歸期近屈指不滿意豈無兒女心惜此  
良邂逅蔡郎吾未見心已想雄秀那知風雨  
夜聽此龍劍吼八荒一驥了萬馬空去鹿鍾  
山淨名老為子不惜口頗聞國士薦因自君  
所有唯應功名地他日容老醜

肇

欲知歸期近朱墨復在手出門豈無時官事  
少邂逅張公晚定交千仞仰森秀華堂耿青  
燈夜半獅子吼真龍服內閑爽氣凜群鹿新  
詩陳五鼎斟酌皆可口光華委行色于我亦  
何有緘藏不知報刻畫無鹽醜

忠臣

欲知歸期近行、重携手披垣隔華省明日  
難邂逅作者六七人崢嶸竦神秀藏螭神虎  
姿風雲即騰吼嗟予自遲暮老驥伏閑廐奪  
珠不量力攬臂犯牙口平生辛苦行何足為  
己有正似逆毛嫫歸增孟光醜

補之

眉山見張侯心許出一手臨川得蔡子千載  
慰邂逅鄧君起南國磊、者三秀譬如黃鐘  
陳我尚瓦釜吼敬知歸期近喚馬牽出廐官  
醪持餉婦傾寫僅漬口千章輸明堂勿問草  
澤有群公自凜、冰鏡照妍醜

考技同文館戲贈子方魚呈文潛

二十年来曾子方新詩曾見未能忘多才善  
謔稱物芳吳娃席上呼作却瞋然何許歲月  
長只令未老毛髮蒼自言蓮掖非昔狂傳經  
華陰夫子堂何曾騎馬身扶槍詔隨上將西  
擊羌董蒲跗注謂我喊夜行馬領飢無糧鼓  
鞞驚谷騎卷圍吏呼馬微醉在冰前鋒奄至  
靈武傍中堅不後無敢驤城門三日牧蔽隍  
百馳載箭千橐裝旌旗立壘烏烏揚還軍不

省一矢止坐師無獲勞不償鏡歌入奏虛錦  
囊秋風鱸魚思故鄉銳頭宜董鶴鶴行得官  
猶領萬鵲驢王城對巷如參商那知連月居  
茲房稱多量少非我長群公古鏡懸秋光閉  
門飯訖庭葉黃秋盤登兔宮耐香吳音訛變  
雜秦涼令壺老栢笑覆觴淹留平日夢欲翔  
得君可樂殊未央人生傾蓋何所望結交松  
栢要冰霜中天號出玉壘章青驄御史騰康  
莊歸期屈指未可忙聞君况有夢迳祥生女

不惡嫁鄰牆掃軒留客具酒漿與君更約城南張

忠臣

五年坎凜哀南方江湖魏闕兩相忘洞蘿岩桂寧孤芳月潭風渚儔漁郎單闕孟夏草木

長望都樓觀鬱蒼

忠臣 癸亥六月以家艱去國丁卯四月還省

誰令焚芟辭楚狂復來上君白玉堂黃門戟曜羽林槍未央引藉班胡羌雲屯錦膊馬斯臧大官日膳瓊馬糧追隨威鳳鳴高岡豈敢

偃息復在林投鉛歸休下殿傍衛士傳詔來如驤館閭闔外西城隍書素迫遽不及裝額俊士集要言揚得弓勿問何人止趙壁既入秦城償穎脫喜見錐出囊同人于野不擇鄉我、羽翮整顏行天闈玉勒皆驕驪伯喈懷贖望金商天啟魁梧奇偉值文房文潛家令

教術應帝王

天啟

土柔梁

日爭光我輒與

之較雌黃芳菲滿室蘭生香坐堂月久秋氣涼將軍思歸歌撫觴子方倚梧日送雁南翔

想見葭莢水中央，洞庭河漢遙相望。香楓葉  
老赤染霜，感槩少日七步章。長安城西約鄭  
莊，予與子文无咎文  
潛天啟嘗有此約牽率不往，有底忙。人生  
可意，皆吉祥。快馬劃過小苑牆，入門爛醉銀  
餅漿。秦箏趙瑟喜高張。

次韵无咎戲贈兼呈同舍諸公

輔

少年落魄走四方，看山聽水興難忘。深林誰  
復知孤芳，十載江湖稱漫郎。紫溪風月幽思

長綠水如鏡，烟蒼。追隨豪雋多清狂。春風  
爛醉胥山堂，下瞰群峰聳如槍。吳儂棹歌笛  
弄羌攀蘿，捫蘿疲獲，臧經旬。選勝行齋，糧客  
見經臺倚高岡，共卧明月吟胡牀。投身忽落  
崑崙旁，征西萬馬隨騰驤。官軍夜半填賊隍，  
食盡師老催歸裝。將軍數奇謾鷹揚，斬捕不  
能酬。失亡曲突徙薪語，莫償幕中病客非。智  
囊扁舟夷猶憶吳鄉。晁侯平日丈人行，生駒  
今始見驕驩。伯樂一眴過老商，恐是稟質蒼

龍房九工吳語放陪王叔教抵掌對燭光秋  
英落盡金鈿黃玉甕浮醅潑異香九天廣樂  
來新涼笑談聊此共一觴天街六翮將翱翔  
正值羿設遊中央我老妾翅無復望洞庭橘  
熟千林霜行當拂衣解銀章買取百花洲畔  
莊世外日月何曾忙偷然一室生吉祥車馬  
還能過我墻夜具茗飲與蔗漿更看君詩雲  
錦張

用无咎學士年兄長韻上呈子方太

僕鄉丈

肇

兩河郡縣淪西方西人思漢今未忘果園蕪

沒白草芳

靈州乃赫連  
勅果園

旃裘戲馬誰家郎車

箱峽口澗谷長旄頭倒挂回穹蒼王師西出

討猶狂六花旗壘來堂前鋒鏡頭臂兩槍

伏姦謹索收生羌天殺隱麟揉姑臧奇兵練

背斷饋糧決河有穀如懷岡城頭擊鐘殺殷

林萬甲幾欲漂無旁雖有伉健誰騰驤一夫

不敢陵彼隍馬首欲東促歸裝緘曾有策鬚

眉揚歸來悅，若有亡劬勞。有日何由償，戰  
鞍挂屋尋書囊。日隨飛鴻思帝鄉，彭城老將  
官橫行幕中市。駿收驕驕射堂兩部奏，清商  
應弦破鏑如蜂房。劉涓州射馬天下第一笑談斥土羈  
名王，画图遣奏朝明光。詔書留典真乘黃，錦  
鞞玉勒春風香。平池老柳高雲涼，神駿在日  
豪吟觴跨下蹀躞。驚鳧翔皇居，九衢天中央。  
我時項背聊相望，西城九月天。預霜夜談闋，  
塞評文章微言竊。比惠與莊和詩，脫筆覺我

忙視君韜養壽且祥，功名有未成堵墻。勿憂  
寒暑敗肉漿，齧弓箠矢用則張。

无咎兄贈子方寺丞見約出院奉謁  
復用原韵上呈子方兼答无咎見及

語

未

曹侯驥骨雙瞳方，流沙萬里不能忘。讀書故  
山蘭蕙芳，咳唾不顧尚書郎。參軍朔方試所  
長奮鬚，決策服老蒼。願得一索縛狡狂，凱歌  
操馘獻明堂。黃河東峙萬旗槍，義渠竟失先

零羗坐師失律無否臧但恨不取東閩糧黃  
君詩力回魁岡十客未得一登牀携君秀句  
展我旁草書紙上蛟龍驟謂我君舍城東隍  
羊來長嘯棄軍裝載酒欲訪執戟揚休日出  
門如闕止坐令耿々願莫償紫衣宣詔襍被  
囊獻書貢士學與鄉羅庭充屋書萬行風鬣  
霧鬣簡驕驩考評唐虞論夏商相過近如蜚  
隔房君家八斗陳思王千年門戶有輝光任  
城健將犇須黃倚蘭之苗不敢香家人寄衣

秋晚涼滯留華館付杯觴天高月明新雁翔  
明燈高談夜未央屈指計日引領望來時汗  
流今雨霜重門事嚴御史章賴君諧捷解邑  
莊還家有日未用忙眉間黃色是何祥晁侯  
約我走門牆但無閉閣休醜漿莫以歎微弓  
弗張

張右史文集卷第四十一

張右史文集卷第四十二

同文唱和

復用方字韻奉贈同舍慎思文潛同

并天啟

補之

平生數子天一方  
今夕何夕情難忘  
荷衣攬蕙氣芬芳  
冊府兩公同舍郎  
崑崙方軌萬里長  
西城却望天蒼蒼  
秋庭風雨翻幕狂  
夜語蔡侯同一堂  
張侯老筆森牙槍  
文詞楚些遺蹇羌  
冒中水鏡誰否臧  
學三百困羞裹糧思

如决瀆萬仞岡大編小軸山壑沐城南買屋  
君舍旁疲驂日附驥尾驥我慚味道由四隍  
人如燕宋初束裝聽君雄辨神揚却思得  
一愁十止鄧侯韞積價不償有方未試聊貯  
囊起家牛斗玉筍鄉鴻騫早入鷓鴣行和鷓  
采齊要驕驕一鐸使足諧宮商知君雲壑有  
松房南行耒耜心霸王玉池復說夜有光仙  
人藏丹金鼎黃顏分神漢浴骨香非我其人  
慙德涼蔡侯發跡江濫觴閉籠祇欲擘海翔

此公事業未渠央六奇他日我所望烏號張  
月刀瑩霜裂五單于加印章穰苴可但虛斬  
莊遭時立志未可忙白犢得瞽寧非祥嗟予  
企踵不及牆逢君如渴御麩漿怯雖如鼠猶  
膽張

次无咎來韵抒寫素懷兼呈文潛天  
啟伯時仲遠

忠臣

梁宋吳楚各異方交情一契不相忘况乃顏  
色瓊枝芳石渠金馬從諸郎我徒瀟湘烟水

長江湖飲見山色蒼扣舷弄月浩歌狂喝來  
濫吹宗賢堂儲胥乍駭綠沉槍擊鼓震警庸  
蜀羌爰居受享謀冰滅悔辭早飛班竹困終  
日獺祭書繞牀故山秋菊英可糧西風夢挂  
南斗旁翠蚪絳螭交首驤坐看樓闕照天墮  
壯心鬱律軍騰裝弢弓卧甲氣不揚揮斤欲  
斲獲人亡劍價倚待風胡償雲間邂逅得智  
囊洞庭釣天奏帝鄉慷慨奮擊萬夫行天路  
滅沒飛驢驢張侯同報羽應商蓬萊方丈屋  
連房海口灑翻議百王太一下照青藜光要  
我挾擊美鉛黃四庫顛倒翻芸香蔡鄉自來  
安西涼慨慕玉闥歸獻觴同官李柳並翱翔  
鸞和節奏散史誰其力薦慰所望九閭白  
日無雪霜垂光虹霓急草章沉冥清遠兩蜀  
莊人間勢利本不忙麒麟鷲鷲國珍祥每恨  
官隔西掖牆可使燕揚挹酒漿不似箕斗名  
虛張

次原韻奉酬慎思學士年友

公麟

君家祝融水一方平生書聞食可忘雲河漱  
潤寧瑤芳天帝壁府讐書却馳騁千載凌子  
長神清骨秀顏色蒼書淫傳癖笑輿狂十年  
此會同都堂上樓吟春礮旗槍詩筒兵敵賡  
楚羌一律校文公否臧日飽太官沉澀糧朱  
寫入網空南國賢書奏牘紛滿牀朝出粉闈  
暮帝旁駸天路群龍驥病鴟點乃汗隍  
白雪隴望因徽裝放歌長林散激揚佩蘭思

馨雖朋亡雲出鳥還聊自償羽扇塵尾隨經  
囊龍眠乃是無何鄉朝游不亂麋鹿行歸卧  
展圖觀驢驢憲貧頌古時歌商徜徉興罷住  
雲房焚柏翻經究法王丹暗度歲月光山  
頭草青還葉黃洞明已死閨骨香此志未就  
嗟涼親顛向白每稱觴肯甘鞭後難翱翔  
竭來竊食天中央古人千歲空相望同文鎖  
密御史霜得公再集評文章亦說種松輞口  
莊使我夢蝶栩栩忙便欲負郭占農祥開門

倘宮倚孔牆想挽北斗下挹漿堂侯更對高  
秋張

次韻呈慎思學士

子文

咸韶獲武來何方鏗鐙入耳安能忘陽春蘭  
芷秋菊芳金門詞客青袍郎昭回下燭光焰  
長深山大澤龍蛇蒼浩歆激烈元非狂正遂  
聖主開明堂風烟闕塞收旗槍舞干兩階臣  
戎羌喋血拓境謀非臧邊城夜行休齋糧採  
詩不復嘲青岡蚬蟻戢羽戍婦沐移文北山

猿鶴旁渥注朱龍兩服驤胥靡版築罷後隍  
白環楛矢貢篚裝航海萬里風帆揚犬羊種  
落嗟唇止諸蕃入學願可償槐花舉子促書  
囊成均貢士賢登鄉東門宣詔札十行我慚  
駕駘追驕驪何敢望回不及商毛遂未至宗  
連房賴有墨妙江都王傳模共分此日光驛  
留綠驃兩耳昔想見蹙踏披天香坐覺暑退  
秋堂涼拘牽齷齪漫引觴門外烏兔雙飛翔  
悠々逝川東未央故山魚鳥空相望鄧侯意

氣摩秋霜朝吟百篇暮千章駢羅經史貫列  
莊落紙但見書史忙孔鸞羽儀各効祥鄙夫  
不學空面牆先饋不用驚五漿烏號要須育  
育張

次韵奉酬无咎兼呈慎思天啟

未

平生結交圓納方過眼十人八九忘畹蘭畝  
蕙幽谷芳嬾隨家奴諛五郎苦飢方朔身漫  
長顛毛種、顏故蒼誰謂勝癡端坐狂清淮

之陰一草堂列筆作陣茶森槍絕口平戎與  
破羌百年如此計亦臧何用竊食官倉糧玄  
黃病足畏高岡但願縮頸老支牀煌煌東壁  
日月傍神仙鸞鳳爭騰驤萬書落架成覆隍  
牙籤如雲丹碧裝晁侯再作班與楊正始故  
在何曾止江湖十年願飽償夜成七發光出  
囊蘇公後出長卿卿為君吳都無一行蘇翰  
啟作

杭州賦見无咎  
杭州七述乃止

世有伯樂生驥驕肯使弭耳

隨鹽商鄧侯楚山深閨房名走上國交侯王

朝隨日景夜燈光包攬今古窮炎黃吐詞分  
範有國香近君如雪六月涼又似心醉醍醐  
觴東南蔡子名飛翔同隨天書拜未央瑰奇  
宏傑萬夫望類牙凜有風霜文如神鼎爛  
龍章鍾山長齋讀老莊論兵說佛兩俱忙不  
夸得硯文字祥但願破敵如顏墻我窮乞酒  
更得漿仰看三虎爭雄張

贈天啟友弟

未

桑弧蓬矢射四方嬰孩立志長可忘莫學兒

女謾弄芳豪氣當視交河即邊城入望千里  
長臂講時架角鷹蒼搏捷仍放韓靈狂鷹鷄  
日暮隨登堂往來絕藝精飛槍余勇猶足吞  
頑羌讀書誰謂毅勝臧盛時萬鍾遠餽糧水  
輸長川陸登岡垂弓在囊弩在牀敵杆入陣  
牌居旁天馬馴工披甲驥受降濬築修城隍  
刀頭不惜千金裝主十六將皆鷹揚故境可  
容尺地止子可自負當風償况復武庫踰書  
囊惟我與子舊同鄉友生固自騰雁行更欲

揚鞭向驕驍豈但傳經如卜商不見漢時張  
子房身纔六尺佐時王功業能依日月光素  
書一卷初逢黃異時破賊玉書香當使相繼  
來西涼時臣稱賀持壽觴鴻鵠一舉橫飛翔  
光陰應須及未來

望不佞可

忍點鬢霜少年天子坐建章龍侍襍並不顧  
莊嚴兵待時雖未忙黠虜授首先有祥王師  
會看傳城墻郊迎父老攜壺漿去病當時凱  
樂張

次韻上呈樗年主簿鄉兄

肇

君家晉陵我朱方君家易知復難忘十年不  
見蘭畹芳青衫翩翩黃白即我游東南歲月  
長江流洶湧山鬱蒼燭龍東來尾鬣狂烏爪  
真人坐高堂山中播剌森戈槍道場法嗣通  
衡羌大道甚夷車御臧獨不進步誰資糧脫  
身簿領行澗園青崖結茅雲繞床飄飄西墜  
梁宋旁至今夢想猶高驥矧復約子西城隍

瓦爐焚夾隨行裝形骸土木神遠揚少狂豪  
氣今則止劇談軟語志頗償模寫佛像揮錦  
囊樽前坐我烟靄鄉憐君駸駸未著行側身  
六合悲驕驕即今文學科卜商赤刀大訓在  
西房詔書興賢利賓王重闈共此燭燈光肥  
羊細肋蟹著黃茭蒲生白晚菘香落月動影  
簾帷涼夜如何其未春觴座間詩陣鵝鶴翔  
卧旗蓄銳豈遽夾我堅孤壘何敢望降幡欲  
挂月似霜獨君一掃可得章滴々筆力抵下

莊兩虎未掉終不忙蜘蛛拂面歸有祥便看  
大榜挂北牆南城西寺載穀漿背城借一猶  
能張

次韵贈无咎學士

幹

毗陵城如金斗方往事歷々那能忘相送童  
子佩蘭芳秀發人指誰家郎未幾重見突而  
長即今不覺秋蓬蒼戲笑豈復為兒狂追昔  
宓子初登堂辭鋒峭拔森刀槍黑識沉遠包  
夷羌陽秋寧肯露否臧有子游學先聚糧相

將百里陟岵岡邂逅一揖坐儒牀大辨傾注  
如無旁天馬方謂先騫驟觀魚誰復駐濠隍  
瓜期受代垂趨裝當路奏牘交稱揚行將起  
擢奄云亡坐令志氣不得償傳家豈詫錢一  
囊諸兒經行各州鄉挾書繼踵諸父行旋見  
天衢飛驪驪論治直要趨周商術卑效淺笑  
杜房况是亨運遭興王致君紹祖邦家光何  
止追考歸焚黃遂庭朝露明芸香異書滿閣  
秋氣涼詠歌間成隨豆觴讀之如欲凌雲翔

暫迂大手離未央

望挈篋來

寄深閨霜賓興賢能視文章尊尚周孔摩韓  
莊搜竒殆有通夕忙英游疑動聚星祥我歸  
復翳環堵墻世味已能如飲漿羲皇上人琴  
一張

次韵樗并見貽

補之

平生車軌周四方結交童叟老相忘異哉余  
子久彌芳吳人猶記稱周郎河豚入網荻芽  
長宜興畫画烟水蒼風雲春服真少狂不愧


戴崇升後堂橫戈筆陣倒千槍升鷲獨步禹  
幽羌世儒膠擾何足戚說食不救飢求糧督  
思振衣千仞岡空林無人一絕味五車純束  
不在旁欲徹梯橙排空驥鍾山春水遠城隍  
從師不憚白笈裝矢鋒相觸塵不揚驪黃牝  
牡若滅亡子巖主簿志不償猷見朱墨紛儻  
囊西風雲日思帝鄉東華拜勅冕綴行黃昏  
閶闔飛驪驕虛堂節候變金商閨門蟋蟀鳴  
我房吾君仁聖周成王屏驅虎豹開明光山

龍粉米誰青黃多儒可贊至治香園檀山石  
豈荒涼潢汙溢滌瀆豆觴願君與借羽翮翔  
賢書蚤列升未央

望君如病

鷓待秋霜牛衣未可悲王章公朝道闢五達  
莊服褭按節緩勿忙夢松生腹渠不祥莫車  
上儂應循墻功成歸飲洗滌漿發几要若黃  
間張

張右史文集卷第四十二



張右史文集卷第四十三

表狀

進大禮慶成賦表

臣伏見

皇帝陛下即位以來事天治民虔恭豈弟光  
被四表格于上下維太母保宥一遵聖訓而  
仁厚之誠不言而孚乃者肇見天地實

陛下即位之初郊內自臣工外遠海宇于以  
觀神人感格之際占信順獲助之驗前祀二

日陰霏暮集俄而氛祲廓清星月明潤將事  
之夜夙伏不興景氣晏溫圓穹清明神祇來  
格于是乎在九執事在列之臣與夫侍御奔  
走之隸嘉動乎容和見乎報記曰福者備也  
備者百順之名也天既順之備孰甚焉帝之  
來格見于天時祭之受福見于人情臣幸執  
筆待罪太史竇奉祝冊天威咫尺親見齊莊  
粹穆之容陟降拜俯誠敬兼盡臣竊喜太平  
之必至多祥之必集四方之民受福不疑姦

宄作慝不禁而息謹撰成大禮慶成賦一篇  
隨狀上進雖不足以追配甘泉河東之廣大  
盛麗然犬馬之愚庶以自竭伏惟清閑之燕  
略佇覽觀干犯 宸嚴無任激切

代文潞公辭免明堂陪位表

合宮脩禮方歲事于季秋列位侍祠尚不遺  
於故老仰恩榮之優異循衰瘵以戰兢伏惟  
太皇太后陛下聰明白天博厚載物左右景  
命已大濟于艱難保宥神孫即聿躋于齊聖

邦家庸靖邪正昭明頌德告功既對天而不  
作隆禮脩樂念報本之惟時當魚鹿之時而  
物既盛多由思齊之聖而神無恫怒擁絕禧  
于二聖肆大賚于萬方曠古上儀于今盛典  
臣久辭屏著退伏里閭親報明于垂盡之年  
受德澤于惟新之政願餘齡之已幸矧召節  
之見臨是宜策勵造朝齊明就列而衰朽之  
質登降畏失容之誅疾病之餘朝夕有負新  
之懼與其失周士在朝之敬不若同克民擊  
壤而歌文物莫瞻夢有鈞天之想精神未已  
心為魏闕之遊

代文潞公辭免明堂加恩表

禮行郊廟方推報本之仁燕及臣鄰皆獲增  
封之錫恩雖緣于有慶賞亦惡夫無名惟是  
衰殘尤為冒昧中謝臣朴忠一意際會四朝  
超踰等夷出入將相洎老休于鄉社已位極  
于師垣何期垂白之餘復相繼明之運空心  
半朽久自分于不彫十里已疲冀時資于辨

道而歲月逝矣補報缺然唯知愧懼之無容  
夫何恩禮之加厚肆時大享茲謂上儀方天  
子致齋莊之嚴而老臣私宿衛之逸雖聖朝  
尚齒唯所便安而寵數非常更為憂懼已足  
矜榮于在位豈當同眾以疏恩  
皇帝陛下時軫睿慈俯迴神鑒必欲寬殘年  
之殞越莫如裁今日之寵光老已及之雖終  
知其無補天其或者尚假息于餘齡願止已  
行庶無太甚

第二表

加地無名方控戰兢而莫處稽天未答蓋緣  
誠確之罔孚盡而腹心再干旒宸中謝臣聞  
事君盡禮而臣獨無趨拜之勤陳力就列而  
臣久涉衰殘之境兩無一可維聖主曲為之  
優容日加三思顧國士如何而稱報惟有稍  
裁其寵數庶幾未即于顛濟而恩禮增繁光  
華指至既紆動于齊榮又申錫其土田高已  
近危將必憂于殞越折而致覆亦何益于生

成伏望 皇帝陛下垂德乾坤牧恩雨露賞  
行四海當酬可勸之功職脩上公豈憂不及  
之祿實思免于居位非受爵以苟辭

謝得請表

不能與祭自憐衰老之無堪因俾造朝更佩  
恩榮之從欲內循安便未免驚慚中謝

皇帝陛下龍德光亨天仁覆露牲玉脩物允  
若神人之和同禮樂在廷肅然祖考之來格  
祭則受福天且弗違臣猥以殘年莫瞻盛事

雖行不俟駕在常禮而有誅而老弗及齊知  
異恩之獨厚第想光華于天漢竊同歡忭于  
里閭

代張文定辭免明堂陪位表

明德惟馨方格神于盛禮相予肆祀俄賜召  
于老臣衰朽知榮執惶靡措中謝伏惟

皇帝陛下陞隆聖統躬致太平翼文王之  
小心烝虞舜之大孝季秋順序方萬物之  
盛多四方和來加多士之奔走祇見列聖哀

對昊穹敷布政之法宮大明禮樂受丕天之  
景貺均被適遐喜交神人慶浹夷夏凡執事  
豆籩之末或觀光輿隸之間足為至榮可以  
無恨而况臣猥以屏退尚叨記存溫詔在門  
外庭有位固願聞舜韶而率舞瞻堯日以傾  
心而遲暮之餘衰疲且久筋力已消于疾病  
纔冀盡年踈野久放于田閭不足為禮當千  
歲之接統自滯周南奉半夜之受釐莫趨宣  
室無階策勵惟劇飛馳

謝太皇表

稽留君命敢求免于刑誅惠養先臣不使勞  
其筋力仰睿私之從欲撫衰志以知榮中謝  
太皇太后陛下至仁在上神孫臨祭知保育  
之聖功多士充庭見肅雍之盛德恩及草木  
喜同天人臣幸以餘齡獲逢盛旦雖籩豆駮  
奔之事徒有心哉而禮樂大備之時為後死  
者豈其偶爾尚足矜榮

代范相讓官表

不俟駕行既已驅馳而至疇若予采復膺考  
慎之求在明主圖舊之意則深于愚臣食力  
之義則過中謝伏以二聖求治歷年于茲忠  
厚之澤足以傳之無窮仁孝之誠固已格于  
上帝守此成憲底于太平加以左右輔弼之  
臣盡極老成俊乂之選何圖次輔之虛位乃  
復召臣于守藩茲蓋伏遇

皇帝陛下廣度兼收至明洞照察其疲駕之  
不速出于悃悞之無它意其先之教忠恐或  
老而更事責以來效用之不疑上副眷求敢  
爰竭盡而臣伏自深念固非飾辭形骸已衰  
心力隨耗雖輔相重任不敢舍其舊而新圖  
然衰疾交攻豈期老將至而髦及雖至仁之  
曲被預公議之謂何豈無岩穴待招之賢朝  
廷委質之彥與之圖國足以格天而臣已試  
之效可知將老之誠彌切不能就列辭敢避  
于再三因是得人功猶期于萬一

謝宣賜曆日表

在昔哲王德暨鳥獸魚鼈肆時治古曆象日月星辰既推步以授人時又協正以觀候度惟盛朝之稽古蓋列聖之在民中謝皇帝陛下聰明憲天仁厚愛物順帝之則既先後而不違使民以時無困窮之失所願茲寒暑之節實惟衣食之原以臣職在承流思叨頒朔敢不推風化之有本躬勸農耕頌賦畝之無知孰原帝力

謝欽恤刑表

歲舉舊章雖謹有司之職詔頒列郡實皆天子之恩中謝恭以聖人之于物蓋本好生哲王之用刑初非獲己方天時之炎燠憫罔罔之係纍渙發德音卹及民隱伏惟

皇帝陛下哀矜庶獄明慎用刑內修百度以肅權綱外推至仁以惠黎庶下念控宇桎梏之苦必使飲食沐浴以時君恩及斯民命何有臣職當賦政責在承流雖未能禪聖代之措刑必使無訟而竊慕古人之為獄自以不

寬

謝明堂赦書表

伏以宗祀于明堂既盡寅恭之志大賚于四海徧覃在宥之仁凡出照臨悉陶惠澤中謝  
恭惟

皇帝陛下堯仁若日舜孝格天法度修明既  
聿迨于先烈號令寬厚已深結于民心肆時  
大享于合宮是謂嚴親之盛節禮成有慶既  
賚予于善人德及無彊將陳常于時夏興哀

多罪囹圄渙然一空頌錫六師忠勇為之十  
倍丕冒出日罔不鄉風洪惟盛朝集此熙事  
臣職司牧養責在承宣敢不撫  
陛下可封之民鎮以無事布  
陛下維新之惠期在措刑

黃州謝到任表

准告罷管勾明道官落職添差監黃州酒稅  
繁務者臣已于今年三月到任管勾訖伏以  
矜其多病祿之仙聖之祠誅其積愆斥之寬

權之任雷霆既震螻蟻曷逃罪大責成深沸  
隕中謝伏念臣粗親翰墨爲好文詞曾未  
窺其藩牆安見稱于流輩漫蒙寵祿頗躐等  
夷久讐中秘之逸書典記漢家之故事入侍  
帷幄曾未歲時而疾病侵凌精神疲耗一辭  
矯陛兩換虎符茂聞報政之能徒幸養病之  
便投閒置散于分爲宜號寒啼飢其窮已甚  
方大明于淑慝固無道于誅夷唯是齊安近  
在淮右雖薄加于黜削乃猶即夫便安非大  
明之燭幽顯微生之何恃茲蓋伏遇

皇帝陛下至仁溥及盛德好生謂刑以止刑  
用之初非獲已而罪非極惡議之必傳惟輕  
遂致風憊猶逃大戮敢不改心思過擇地圖  
新駕馬已疲久息錙鸞之望秋葵未殞常傾  
向日之心苟一介之有終九死而無悔

黃州安置謝表

准告責授房州別駕黃州安置臣已于九月  
初三日到黃州公叅訖率情而動蓋緣不學

之愚議罪惟輕上賴好生之德中謝伏念臣  
僻迂陋學庸瑣散材頃守汝陰實名長吏不  
能明義以自立乃敢徇私而致哀迹涉背公  
事非考古果不逃于正論猶竄遁于嚴誅尚  
畀散官更居善地茲蓋伏遇

皇帝陛下聰明洞照博厚有容論罪必原其  
情用法每加之恕故令螻蟻少緩雷霆臣敢  
不祇服上仁深思往咎禋身以敬學禮必明  
從多士以立朝莫諧素願問老農而學稼誓

畢餘生

辭免起居舍人狀

竊以言動之職最近清光儒學之臣以為榮  
選臣孤生晚進駕散薄材擢自選人寘之太  
學復天祿石渠之職首預選掄抽金匱玉版  
之書兩領著作功能何有屏退所甘加以冒  
昧史官頗糜歲月論次故事未就簡編何有  
賢勞遽叨榮擢浸階華近入侍禁嚴內循弱  
植之易操實懼多言之可畏敢傾誠懇祈止

石渠寶笈卷四十三  
十一  
誤恩免速顛躋更累樂育

任起居舍人乞郡狀

右臣准尚書省劄子以臣乞知顛相徐潤州  
一次奉聖旨不允所乞者臣伏以君父之命  
當即奉承尚敢煩言罪當萬死臣秉筆史館  
入侍禁嚴漸階寵崇固願冒昧然親近清光  
而衰瘵敗其支體論次舊聞而疾苦耗其心  
精常悞尸官安能稱職義當自列敢避重誅  
伏念臣自患風痺今已五年雖粗支持而去

年冬末因患瘡疹毒氣流注支節脚膝痛痺  
甚則屈弱乘騎拜伏動憂顛仆力加調養或  
可完安失今不治必成沉痾聖君在上仁愛  
容臣下得以言情卑賤亦思從欲伏乞除臣  
知顛相徐潤州一次庶得少就優便專意藥  
物民社可以竭力俸廩足以紓貧猶冀疲篤  
復備鞮策

張右史文集卷第四十三

張右文文集卷第四十四

啟

荅林學士啓

伏審光膺宸綽進直蘭臺榮命始行儒林增  
重竊惟館閣之選益待儒學之臣既非典領  
之權幾于冗散又無議論之責少補絲毫宜  
非仕者之願居而為一世之所尚蓋學問為  
君子之事職卑而待之非輕詩書非俗所  
知祿薄而意則甚厚雖猷居寂寞夸者至謂

之病坊而脫略等夷赤尉均稱于宰相名既  
如此人猶貴之而况將相之選鍾武相尋祖  
宗以來掄擇為重故本朝之寵儒者雖它官  
必假此名伏惟某官文麈而用長才周而學  
富父子濟美兄弟有毅行實著于家庭強濟  
冠于朝右冠多彈擊風霜凜然攬轡按行疑  
竇立解已登進于鄉棘後入直于道山豈專  
是正之功實示超騰之漸某淮楚晚進場屋  
後來辱登門牆當備官屬當趨風于末坐乃  
首贊于長戩為禮則勤循分而懼孔鸞同列  
忘魯鈍之卑飛珠玉藏家驚輝光于貧屋永  
為好也何日忘之

代人謝及第啟

困瑕疵于指玉獻已過三收奔敗以誓師戰  
猶借一僅能無辱豈足言勞伏念某受才樗  
疎趨世迂濶拙無他技幼刻意于藝文家有  
遺風世知名于科級童子習雕蟲之技已屢  
試于鄉邦專門尚經術之科嘗再遊于禮部

一行作吏終日坐曹几硯已積于埃塵詩書  
錯陳于朱墨人耳人耳頗羞請鑄之金時哉  
時哉思樂無求之雉屬大明之繼統仰衆正  
之來同耻窮有道之邦願列思皇之士隨衆  
碌、僅乃有成半世違、所得如此惟其無  
似己合知榮茲蓋伏過某官左右太平設張  
治具收才能于無間本選舉于至公刈楚旁  
及于艾蕭濬川下通于溝澮羞愧平津之策  
絕意上游庶幾毛遂之奇收功下客

潤州謝執政啟

此者伏奉告命除直龍圖閣知潤州軍州事  
已于閏四月二十九日致仕交割訖伏以文  
章為學者餘事故先王不以經世富貴非人  
力所制故君子以為在天而况修辭寡淺未  
涉作者之流趨世濶迂每在衆人之後則其  
投閣置散曩後跋前在所當然夫復何恨伏  
念某羈旅一介憔悴餘生困筆楚者十年道  
飢寒於斗祿仕已成于漫浪意何有于功名

始誤寘于成均復進升于儒館佐東觀之論  
著頌見舊聞紀先帝之事功遂游藏室擢升  
右史密侍清光雖學儒之至崇豈草茅之素  
望而疾病侵耗心力衰疲分敢自安義當引  
去駕馬自竭驥歷塊而已超神仙在前風引  
舟而忽遠尚叨便郡獲養殘軀靜循此恩盖  
有所自茲盖伏遇某官曲成萬類器使庶工  
直鑄蒙鏐疾者未嘗遽廢大宗小桷施之各  
以其宜致此朽虛未即捐棄獄訟布簡職事  
不廢乎詩書山林幽深形骸頗為之清快庶  
餘齡之可養幸沉痾之有瘳仰報至恩將必  
有在

賀錢內翰啟

伏承內翰侍讀四文罷直內閣升華禁林解  
天府之浩繁侍經帷之清燕雖眾望所屬理  
固當然而成命既行士以相賀伏以學士號  
為職親要地實儒者之至榮訓辭故其言近  
指深必文人為充選設官雖專于書詔儲才

常用於鈞衡被選益艱因人增重雖從容入  
侍獨高太白樂天之詞華而論議經邦復重  
德裕敬輿之術業為擅一長于此皆為稱職  
之才洪惟本朝繼有碩望方當聖主之圖任  
果見異人之來儀伏惟某官學摠百家才高  
一世經守常平之學世登鼎鼐之科無施不  
長所治皆最批竇蹈窾在庖丁如無牛越國  
過都于騏驥為歷塊隱然公輔之望久矣中  
外所期俄聞異恩大慰眾論謀謨黼座何慙

天子私人願瞻玉堂應歎吾家舊物即膺大  
拜用究遠圖某每愧庸虛素承知獎其為欣  
快實倍等倫嘆白髮之侵陵望青雲于寥廓  
歲事已晏德履多祥更冀保願下副祝頌

宣州謝兩府啟

此者法當易地恩使造庭方奔命于半途遽  
分符于便郡地未殊于南北舟楫相通憂方  
竊于困窮廩祿有繼雖徽幸出聖朝之厚而  
曲成皆高位之仁已見吏民粗知風俗茲蓋

石渠卷四十四  
伏遇某官受天間氣為國元臣道德致君議  
論無世器眾材而無棄慮一物之遐遺遂令  
罔功每輒得所退觀所領自昔有殺道德在  
人有顏真卿之政事登高舊賦稱謝玄暉之  
文章某素乏詞華不通吏道一無稱可全有  
便安民清愁歎之般自緣聖治家受飽暖之  
福徒費君恩尺寸無施冒昧而已歲事云晏  
幾政多閒伏乞俯為華夷精調寢味

賀錢都尉啟

伏承光膺綸紱雄領節旌遠倍知榮侯藩增  
重其為僚屬益倍歡愉伏以懿親建邦粵古  
令典惟聖朝尚王姬之貴在一時皆妙選之  
才既內奉朝請而為國華亦外假風教而持  
將鉞屈天姙之華貴尉南服之荒遐民社有  
光江山增氣恭惟某官推朝令德世有美名  
風以才猷膺茲選擢忠孝著甲昔受大來之  
王封簪笏滿門今為五世之鄉族聞望卓爾  
寵祿從之雖仰青雲之絕塵亦受靈河之餘

潤漫游美望素欽武子之才豪留務不煩久  
服征南之恩信歲事已晏賢履有休更冀保  
調以綏畿穀

謝鮑承務啟

伏審光臨民社寅布教條德庇所臨愚陋知  
免竊惟漢唐之盛惟以守令為艱或由郎而  
出宰丘民或歷縣而入官華省謂將責之經  
世莫若試之臨人恭惟聖朝亦重茲選凡膺  
民社之寄莫非慈惠之師伏惟某官炳蔚多

文淵源博學行已信于鄉里名久播于縉紳  
素懷製錦之良能方展割雞之利用略摠素  
業均惠遠民牒訴雖繁敦本可使無訟鰥寡  
未又有政為善養人雖君子之激猷蓋高才  
之餘事况復江山清遠民物阜安獄訟多餘  
樽俎可樂莫陪談笑徒竊傾馳過此以還未  
知所指

賀廣德知軍啟

伏以星回于天既發春而獻歲帝出乎震方

去故而就新天時于是更端賢者受其介福  
伏惟某官夙猷強敏道義深純度越衆人獨  
立一世烏臺彈擊數千鈞之弩而發機山郡  
郭裁持屠牛之力而破彘惟其道用煥然日  
新俯同世人仰受天福

謝建平知縣啟

茲者過沐殊私特貽盛禮一日之長託末契  
之光華通家之歡傷前人之零落俛跪之際  
感喜之并伏惟某官文學承家吏能絕侶一

見許論于家世並游遂列于弟兄昔日桑弧  
交慶兩家之生子相逢樽酒共驚五十之幾  
年敢不傳義好于子孫謹銘藏于肺腑過此  
以往未知所裁

賀太平知州啟

伏承輟講經帷剖符江國餘光所比弱植知  
安伏惟某官奧學造微高行絕衆赫奕家世  
照臨遠方清淨道心消鎮淨信遙想公餘之  
多暇未妨禪觀之無為出入起居輕利安穩

某夙懷問道幸託為鄰惟仁人志常在民自  
今日請學為政雖相聞難犬實一葦可航之  
川而坐困簡書有其人甚遠之歎願茲傾系  
曷罄敷陳

上黃州郡守楊瓌寶啟

某愚暗觸禁情不自知仁聖至明罰惟當罪  
雖從黜責尚得依歸予平生京洛之遊交情  
有素千里江山之別老境已侵豈知投竄之  
余忽有笑談之便淋漓醉舞坐沉痾而少衰

慷慨悲歌撫壯心而猶在靜言思咎亦既戒  
行忽忘跋履之勤喜遂瞻依之素伏惟某官  
天資拔俗國器冠時利刃吹毛長劍耿介倚  
天外高標絕眾野鶴昂藏在雞群擅風流獨  
步之名有雍容甚都之觀左挽繁若邁越石  
之奇一割牛心兼武子之逸蓋嘗奉使諸部  
固已著迹本朝賦吳郡之溪山醉金陵之風  
月遺愛猶在陳迹可尋屈臨方州賢幸遠信  
某去國流浪多病變衰流水高山知者益寡

附輿執轡今也則止雖無聊遠竄之可憐得  
相逢一笑而何恨私用自賀夫復何言春序  
正暄更祈保衛

賀潘奉議致仕啟

伏審親家致政奉議上還印綬退即里閭已  
私知止之安將受永年之福凡居親舊實助  
忻愉竊以人之多難在于儒者尤甚壯年講  
學謂富貴利祿之可則小試多遠信功名遇  
合之有命加以歲月荏苒時不待人顧瞻籌

囊義則當止彼貪冒無耻者率皆優佚而老  
惟進退顧義者不免飢寒之憂未餘漢庭之  
賜金復休故社之喬木追計宦游之廩祿何  
有一毫復與平生之簞瓢相從三徑莫非命  
也謂之何哉伏惟某官與學淵源懿行金玉  
久栖遲于末路遂高退于明時清譽益隆多  
祥有在其自憐罪戾久困泥途延企高風但  
懷景仰

謝揚州司法謝薦啟

竊以才猷顯膺褒薦過敦謙德躬贊高文兢  
懼靡違珍藏為好竊以長吏荐士蓋遵著令  
之文小官求知將應有司之格然在下者常  
艱于際可居上者亦歎于才難苟蒙特達之  
知亦謂非常之會伏惟某官溫恭飭己道德  
承家老成之典刑具存正始之風流猶在青  
衫手版共歎棘棲之鳶命袞貂冠茲為鴻漸  
之翼既深感愧又切頌祈

張右史文集卷第四十四

張右史文集卷第四十五

文

皇太后謚冊文

維年月日孝子嗣皇帝臣御名再拜稽首言  
曰竊惟詩人推本周文王之功德曰文王初  
載天作之合自古帝王之興必有聖母以助  
內治以施陰教表裏協濟王功以隆而能同  
享太平之福嗚呼非文眷命于有邦其曷以  
臻此惟我烈考聰明睿聖緝熙五聖之遺緒

興起萬世之長利惟我聖母應期挺生粵自  
潛邸作配宸極南正中闈敦睦九族法度形  
于燕闈恩惠逮于微眇俾我烈考之德孚于  
朝廷玉冒海隅惟末小子幼被撫育顧復之  
恩長受教誨勸導之益延入翼室用端命于  
上天方圖內承東朝之訓外竭四海之養而  
否德薄祐天降罰于我家亟奪聖母贊、在  
疚日月于邁有司稽古將節惠以易名惟  
小子冒足以仰窺淵懿敢祇述所知以詔後

世大行 皇太后徽柔肅雍恭儉慈愛實我  
咸平相臣文簡之曾孫惟時文簡輔我真祖  
勤勞在官垂裕乃後是產淑哲與聖俱興志  
在女工婦道已茂正位乎內三十餘年夙夜  
儆戒靡有違德慈聖宣仁兩姑並尊承顏二  
宮孝恭烝、元符之末國統弗嗣相臣異心  
大計杞裡中外震懼寒心拱手惟聖母稽謀  
神祇憲章典禮力授眇躬大統以定惟平日  
退託潛德弗耀而任大投艱克有餘裕片言

不與卷四十五

折理凶狡震服所謂坤善柔而動也剛雷發而淵默者欵惟宗社有奉神人有依實自我聖母祇率故事恭請同政至于再三勉與聽斷蕩宥多辟淫滯昭蘇決去蒙蔽人材咸叙華夏蠻貊戴白垂髻聞風歎呼喜氣橫流休功美利申固景命亦惟我聖母而乃夙夜兢兢克自抑畏視事不臨于便坐私諱不及于外庭不敢自同先后而復遠鑒前古期以泰陵附廟退處房闈既又謙懼亟降璽書曾未

及期已復明辟友愛二弟恩恤篤至而憂其挾貴諸外不許宮室器服無所增廢不為浮麗可喜之觀嗚呼為天下之母而躬賢哲難能之節當太平盛世而謹古今易忽之戒可謂明哲絕德鮮儼矣卜宅爰從因山既藏是用咨于卿士受命祖宗惟道大不可形以名言德厚不可盡以稱謂謹摺四謚之法略舉衆善之端以慰臣民以示子孫謹遣攝太尉具官臣某奉玉冊玉寶上尊謚曰

右史卷四十五

三

欽聖憲肅皇后恭惟神靈在天休聞在下光  
于宗社表于有宇億載萬世與國無極嗚呼  
哀哉謹言

上梁文

太昊之墟風俗素厚長淮以北魚稻漸豐張  
君少也執經常青於庠序仕而多難遂白首  
閭里輒于阮籍之窮途成此陶潛之環堵雖  
風雨之僅庇亦簞瓢之屢空敬舉修梁先成  
下舍

拋梁東淮陽三月牡丹風已將奇麈誇天上  
更有穀名壑洛中  
拋梁西故祠千柱隱長堤廣殿杉松翻燕雀  
修廊風雨暗旌旗  
拋梁南餘艘萬里建雲帆淮蟹湖魚常入饌  
三餐足慰老夫饒  
拋梁北望宸都官道直霜晴日暖碧天高  
鬱葱時見堯雲色

拋梁上却掃從今斷還往里閭休嘆下澤車

登降須扶靈壽杖

拋梁下詩書萬卷東高架今年兩足定豐登  
更向城隅問田舍伏願上梁之後人無疵癘  
年屢豐登兒孫詩書之不忘妻孥簞糲之常  
飽咨我有衆同受多祥

祭社文

未受命于朝來守此土宣上之德以保有民  
社惟神之功百世通祀幸得以時躬荐牲幣  
徼福于民蒞事之始敢敬致告惟神鑒之

祭稷文

惟神之功立我烝民有邦之君實興周室萬  
世通祀光配無極未受命天子來長斯民歲  
時奉祭牲幣有秩蒞事之始敢告有常神其  
鑒之永錫斯土

祭文宣王文

惟吾聖師生于此又嘗仕于此蓋自衛而刑  
詩定樂既沒而葬皆在此也教之在魯深矣  
未受朝命來守此土意遺風逸禮必有在民

願與諸生究觀而講明之莅事之始敢不致告非以為禮庶用致虔

祭聖帝文

貶逐積年窮無所愬而聖上哀其不辜復畀之民社而來守此邦也則亦惟是早乾水溢之不時將有請于帝之仁民宜無或難莅事之始敢以告始以致虔禮則已略惟帝鑒之

祭成都李龍圖文

嗚呼公擇其中退然如不勝衣而能為人所不能為在熙寧初政有大議柄臣持之一壑以勢公奮力爭與相抵刺厥毅凜然卒擯于外流落十年天子思之歸卿太常君子之喜于穆聖后緝熙于學公侍讀誦以開以覺正位地官幹邦盈虛持國風憲匪激匪紆嗚呼孝友烝々祿富族親妻孥無羸死不能喪圖書在籬施朋友孔燕豈弟曠無累心清有遺味公去朝廷大旆高牙孰云未歸哭引喪

車旦夜死生不足嗟嘆善人存亡實繫邦家  
叙哀一觴其飲之耶

代范樞家祭温公文

嗚呼有祚有邦昇之元龜篤生我公為世父  
師夷齊之清淵騫之德子產之惠叔向之直  
人擅其一足以成名公兼衆德乾、不寧九  
流百家金匱石室鈎索沉隱裁其失得根柢  
治亂經綸皇極作為文章有書秩、玄圭大  
裘望之肅然冬暘夏水赴者爭先仁英兩朝

鏗、厥毅國有正人折姦于萌莖染者木求  
直于繩我公盡規君心則寧烈、神考體貞  
有德公猷其可岩、翼、言有未用不敢受  
爵深衣幅巾歸休于洛公則休矣四方顯、  
君子野人泊于他邦聞、懷歸于父于先天  
施不齊或怨寒暑公獨何施四海一譽元豐  
末年國有大事穆、文母宥我神嗣爰立作  
相媚于神人我公在廷其重萬鈞士賀于朝  
民歌于厘農慶于野兵休于邊燠雨慄寒養

其飢辱無痛于飢無禾于田培其本根枝葉  
則茂豈曰我作憲章惟舊于赫聖考左右上  
帝休公于家實遺聖子卷耳思賢夙夜周京  
不惑不疑成此太平公之去來人之戚嬉人  
之戚嬉帝之從違豈人事耶天實為之純仁  
不才辱公知深人之相知貴相知心惟公我  
知洞達表裏采其所長謂或可使申結義好  
丘山不移匪我則然公實取之泚泚清洛獨  
樂之園嘉華春敷修竹夏寒清酌備然我招

我從琅玕嘉言有銘在躬朝偶乏人備位樞  
機入與國論獲親風規六七年間為益不貲  
私祈白首從公以歸慶勞傷生公既邁疾庶  
幾有瘳卒相王室國祠既誓公以喪聞我心  
之悲不獲至門入哭于室公既大斂終天之  
情不一見面人生有死如旦夜耳曾子將沒  
知免而喜公身既修公志既畢既壽令終無  
有其失有如公者古今萬一任重道遠稅駕  
茲日庶幾念此以紓我悲猶有鬼神實聞我

辭

祭劉貢父文

嗚呼子之強學博敏超絕一世肇自載籍孔  
墨百氏太史所錄俚閭野記延及荒外陰陽  
鬼神細大萬殊一載以身下至律令老吏所  
疑故事舊章在廷不知有問于子歸如得師  
直貫旁穿水決矢飛一時書林衆俊並馳滿  
堂賢豪視子塵揮逸足竒毛不受絀羈擯守  
列郡吏民畏思治盜宛胸不事誅斬他嚴見

欺子愛不犯中斤于南人憂子怡歸來白首  
晚職訓詞子之來歸亦既疾病惟其精明猶  
足以永誰云如子竟止斯耶國失君子善人  
之嗟方其盛時弛不得張亦既有遭而盡其  
強誰與子仇敗子百方雖然今日竟何有止  
惟我與君同年進士申以婚媾兼恩與義平  
生談笑樽席安喜其當此耶臨此酒哉

祭夏侍禁文

惟靈胄出豪貴服膺禮義恪守官次志于詩

書云何不淑奄至大故命有修短夫復何言  
日吉時良安以即路奠觴為決已矣嗚呼尚  
饗

祭蘇端明郡君文

嗚呼人生萬殊之死同科其間疾徐相去唯  
阿作嬪大賢克宜厥家婦也有茲萬一則多  
顯允夫人簡儉純明相其君子險夷屢更穆  
穆愉何易何艱能俾君子即居而安象服  
委蛇亦既輝光云何不淑及折于強蘇公執  
喪盡禮致哀曰余德思匪覲之懷某等受學  
師門義等族戚矢辭殞前侑此酒食

祭李深之文

嗚呼昔我先人剛介峭峙行于天下得友無  
幾過公兄弟則無間言惟屯田君則實同年  
公時尚少多病癯然江淮之間相與周旋未  
之兄弟應舉姑蘇朝夕誦習託公學廬公晚  
得官拜公宛丘後二十年遇公瓜州相從武  
昌亦既謝仕杖屨逍遙旁有令子何圖未疾

百治不完歿不得歸即丘于焚幽宮之刺委  
于不肖文不稱事矧能有耀身在罪藉動有  
繫維無窮之別不獲往辭寓誠薄奠尚醜一  
卮

祭秦少游文

嗚呼少游海涯之英自其少時文章有聲脫  
略等輩論交老成衆譽歸之誰敢改評幸來  
秘書亦既飛鳴脫身亟去事變隨生嗚呼官  
不過正字年不登下壽間閔憂患橫得罵詬

竄身瘴海卒什荒陋君孤奉喪歸葬廣陵拜  
我于黃尚有典刑會葬撫孤我窮不能具此  
菲薄聊致我誠隻雞斗酒懷想平昔嗟我少  
游尚肯來食

哭下殤文

下殤者何吾兒也兒生慧淑父母有所戒輒  
絕不為性仁不傷物處其曹恂也年七歲  
得驚疾醫之不得其方而死作文以哭之曰  
醫之不得其方耶抑其命有短長耶獨甬能

使吾悲若此耶抑為父者皆愛其子耶蒼顛  
夷顛秀眉清目今其存亡其猶有鬼也使無  
物則吾復何思其尚有知也則夫荒屋野寺  
風霜雨露食息誰汝視也

敬亭廣惠王求雨文四首

嗟乎吾民其困久矣去歲積雨大江橫流兩  
圩既隳一境受弊補復亡散實在今年死生  
存亡間不容髮而自春及夏時澤未滋芘  
四郊稻且不植吏術莫救必神之求神食斯

民忍視其疾惟王威靈功德烜赫在民指揮  
蛟龍震作雲雨一瞬之力豈或難之

山川之神能出雲氣見變化以司雨暘之權  
以佐民衣食之用則是有職于民者故朝廷  
隆以爵號表以廟貌有司歲時奉祀不絕自  
四月至今以旱禱于王者于是三矣今事已  
益急雖瀆神有罪而不敢避也惟王俯而聽  
之悠然而雲沛然而澤以除民之病以紓吏  
之責于王之神馨歆之力有職于民宜不愛

惜也

宣之為州被山帶江民耕于高無灌溉之利而仰澤于天故閏月不雨則以旱告今茲季夏之初時雨大至諸山之田既植且茂比日之雨積水且竭亦嘗雨矣然方作而止又不遍也是以民心惶惶憂在歲事吏無以為術知謁于神而已夫困廩之有將入手而取之稊稗之食將下咽而奪之抑又神之所不忍也

南方之民以稻為命而稻非水不植神所知也今茲四月且盡而原田稿乾待水種稻而雨不降澗溪之流亦復淺涸民情惶惶如失火之待水寒疾之待汗也失今不種則一歲且食無其飢餓死亡流轉于溝壑可立而待則其憂懼危迫之情蓋可知矣乃茲月甲申嘗率僚屬有禱于神如荅之翌日而雨然施澤未渥雲日已霽豈神未念民之病姑以塞其意而已耶審如是其繼有請雖十百其

未止也神雖欲罪其瀆而降之罰亦末如之  
何矣今事已甚迫敢盡布之惟立興風雨一  
兩三尺其于農事乃克有濟其亦有不腆之  
牲酒以報神之德惟王速圖之

廣惠王祈晴文

請而未幾又復謁晴在人宜怒况神之靈沃  
野茫、歲將有秋誰為之孽雨淫不收失望  
垂成吁嗟懼憂不敢避瀆冒昧有求神或哀  
之疾尚可瘳

靈濟王求雨文二首

惟王昔以功德受國壽命袞服南面抗儀王  
者可謂盛矣數州之民奔走奉祀以時不懈  
積有年矣受國壽命則如有位于朝食民奉  
祀則如受祿于國然則其可不察民之利病  
與之同憂樂哉今民之大憂王亦知之矣乃  
自春末至今時雨不降仲夏而稻不得種一  
方之民拱手而待饑饉甚可哀也而王之威  
靈光烈烜赫甚著其于蛟龍以致雲雨且無

所難夫為所不難以解民之大憂以是致禱  
當在所答今早已甚非沛然大雨則于農事  
猶無所補也若夫苟施微澤姑以塞其意而  
曰吾嘗雨矣則非某之所敢知也

水旱有數尚憂堯湯聖無如何矧此一方人  
治其陽數之所拘神造數者可得卷舒戊戌  
有請逮今未至神之威靈胡難其易旱野童  
童塵生溝澮神其鑒之賜以滂沛自夏徂秋  
謁雨于王者數矣豈惟猷之而不答將怒其

瀆而降之罰也某則謂之不然求者以不隱  
為情施者以不倦為仁譬之君親求則謁之  
何瀆之嫌為之君親者視其所求可則與之  
何倦于數用是輒有請于王而不疑惟王威  
德烜赫臨此一方吏民奉事歲時不懈則其  
有請尤在所答也

靈濟王祈晴文

徹救旱之奠曾未逾旬陳止雨之辭則已在  
廟不修人事惟神之求罔忌威靈其瀆已甚

罪不能脫誠或可通今茲多稼既成敗于將  
獲積水且溢決則不支始棄倉廩之將盈俄  
憂父子之不保盛德未竟大思宜終夫呼而  
為風雲吸而為開霽于神無費庶禱必從

景德寺祈晴文

伏以雨既若時歲將大熟而陰霖不止水潦  
將增大懼提防之圯隳偃潄之墊溺欲除民  
病惟賴佛乘伏望消伏陰魔開通慧日拔幽  
沉為明達變苦惱為歡謔眾生之疾既除能

仁之願亦滿

祭天齋仁聖帝并城隍祈雨文

比以旱故禱于一二神幸時雨之沛施免斯  
民于饑饉而誠薄未格報至不時豈媚于神  
者有未至耶抑在茲者或不舉也今旱既甚  
矣民亦殆哉莫知所為惟有致禱謹遣僚屬  
徧詣祠宮於赫有神時賜甘沛惟民典吏皆  
獲即安牲酒馨香將以為報

廣惠王謝雨文

石城卷四  
九  
禱旱壬寅雨既隨至匪亟匪徐澤此厚地旱  
野千里稻如雲浮農人笑歌以樂曷憂哀此  
困窮神德之厚躬羞菲薄吏則何有我聞仁  
者施不責償鑒其誠悃臨此一觴一歲荐禱  
我顏則羞神乃哀之輒與所求問我農夫我  
田既臧無有高卑均為豐穰父子相保鰥寡  
有依守臣何功神則與之牲酒瘠酸報微施  
豐維誠與潔庶以荐衷

靈濟王謝雨文二首

問者有禱實以亢陽神答其誠翌日沛滂風  
駕雲旗飛澤淋浪應龍翔嬉妖魅奔忙靄  
中原萬畦齊秧父老相愛豐年有祥牲酒微  
薄愧升廟堂柳神之仁豈責報償  
頃以旱故遣吏致祈其慢宜罰神顧聽之獵  
獵風雲來自東南協氣橫流妖魅奔潛溝澮  
畢通高卑具沾活此一方老稚舞歌守臣冒  
功幸此時和牲酒不腆匪以報德光揚威靈  
傳示無極

石門卷四十五  
九十七  
祭魯恭王文

惟王託體聖父奄宅龜蒙龍旂旒鉞天子之  
容文物焜煌照臨東國十有八年榮寵之極  
臨終上書以禮自克千載讀書猶懷感惻茲  
惟舊封爰有廟食荒榛喬木薦享寂、時有  
農父來祈黍稷坎、擊鼓剗豚布席而賜疾  
痛求無不獲愛人之心千古不息未具舟楫  
將寄穎尾漂泊五年未知攸止吾道非邪乃  
底于是悠、天道惑之久矣再拜祠下神鑒

其志行旅之荐不及酒歲


祭晁无咎文

惟我與公交游之義外雖朋遊情實兄弟公  
生癸巳我長一歲平生宦學何一非是念初  
相遇盱眙逆旅一見如舊綢繆笑語契濶積  
年俱職太學並試玉堂同并館閣讀書飲酒  
兩各壯年意氣豪盛自以無前公之文章瑰  
琦卓犖割裂錦綉揮磨予梨石渠天祿典籍  
之委過目輒誦不復再視我守丹陽公鎮于


石渠寶笈  
卷四十五  
九

齊行世之艱坎壞自茲建中之初同官于都  
相對歎息蒼髮斑鬚我出汝陰公守于蒲我  
負重譴責居江湖知公金山藝圃葺廬最後  
聞公乘太守車徃刺于淮慶未及書嗚呼哀  
哉月之庚寅聞訃于陳驚呼號天煩冤靡伸  
年且六十非天之恨所甚痛者殲此善人子  
素強健無戾于身何恙之速一仆不振嗚呼  
哀哉平生膠漆永隔存以弔不撫棺寔不哭  
墳事也多違不敢爰勤聊陳菲薄侑此一樽

尚想平生見我歡忻至悲薰心言不能文



張右史文集卷第四十五



<p>卷四 九</p>	<p>張公文人文集卷四十五</p>								<p>張公文人文集卷四十五</p>
-----------------	-------------------	--	--	--	--	--	--	--	-------------------

